



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Apparet discipulis in Cœnaculo. 90

urn:nbn:de:hbz:466:1-38349

Donec occumbente oculis die, nascente men-
tibus.

Sentiretur in æstu Cordium Solis vicinia.

Quod peccaverat Infidelitas,

Hospitalitas corrigit;

Tenet ista, quem illa fugasset;

Et est modesto hospiti violentia hæc gratior
Cœna.

Nondum assequutus suscepti finem itineris,

Sine injuria veritatis fugit se longius ire.

Quo dare Majus beneficium possit,

Minus non dedignatur accipere.

Libentius convivium, quam conviva.

Appositum in panem translatus agnoscitur.

Nota tamen hujus Sacramentum notitiæ.

Ex vultu distinguimur homines;

Deus sola detegatur ex manu.

*Inclinata est jam
dies, & advespera-
sit.*

Ita fere Chrysoloz.

*Et cœgerunt illum
ut maneret.*

*Quare sinxerit
Christus si adhuc
longius ire.*

*Convivium Chri-
stus in Eucharistia,
qua nihil illi ca-
rius.*

*Et cognoverunt
illum in fractione
panis.*

ELOGIUM XC.

APPARET DISCIPULIS IN COENACULO.

Luc. 24. Ioan. 20.

Quæ sit superbia Fœminis.

Quod ante viros de Resurrectione cognoverint?

Ut præirent, quæ sequi debuissent,

Non fuit præposterus ordo, sed mysticus.

Opportunitatē hanc abolendi veterem culpam,

Sexui suo Mariæ dignitas meruit,

Ut quæ à serpente deceptæ deceperant,

Eruditæ ab Angelis erudirent,

Et quæ hauserant è paradiso perfidiam,

Fidem eruerent è sepulero

Et quæ primæ laxaverant aditum Morti,

Primæ viam sternerent & saluti.

Quid quod omnia illa

Unum in tumultum accervata prodigia

Narrant mulieres, sed de Viro?

Piæ Præficæ obsequium Christi suscipiant,

Apostoli, Christi suscipient passiones;

*Resurrectio Chri-
sti, fœminis prius,
quam viris prodita.*

Chrysol. serm. 79.

*Per mulierem e-
nim Mors, hac est,
per Evam.*

Idem serm. 74.

*Vnde ne in hoc
quidem mulieres
viris præsent.*

Chrysol. serm. 79.

Et fere ad Verbum.

*Latebant Apostoli
in Cœnaculo pro-
pter metum Iuda-
rum.*

*Cum sero esset, &
fores essent clausæ
propter metum Iu-
daeorum.
Et dixit eis, Pax
vobis.
Turbati enim sunt,
existimantes se spi-
ritum videre.*

*Existimabant se
spiritum videre,
Palpate, & videte.*

*Ianuis enim clausis
Christus ingressus.
Quis non intrat per
ostium, sur est, &
latro.*

*Viderunt loca Cla-
vorum, & gavisæ
sunt.*

*Et dixit eis iterum,
Pax vobis, &c.*

Illæ ferent aromata, hi flagella ;
Effundent illæ oleum, hi cruorem,
At quid nunc est, quod in cœnaculo
Fletus, dolorisque convivæ
Spei suæ damnis nutriunt edaces metus ?
Meminere Judæorum minas.

Et Præceptoris non meminere promissa ;

Orto jam Sole sero adhuc est apud eos,

Quia clausis januis ingredi prohibent unū dicitur

Vel invitus tamen ille ultro se ingerit ;

Enituntur silentes tenebræ vocalem Solem ;

Videtur ; & auditur ille, nec creditur ;

Pacem precatur ,

Et novos ciet sua pace conflictus,

Ascendunt cogitationes

Quæ de Erebo, non de Cœlo venient ;

Omnem colligunt in oculos sensum ,

Et adhuc jam non mulieribus, sed sibi ipsi in-
creduli

Apertis oculis somnari se putant.

Visum jubentur emendare per tactum ;

Et in carne Domini suam cœcitatē palpant.

Apprehendunt manibus Veritatem ,

Quam mentibus non potuerant ?

Seu illum per Ostium intrasse non credant,

Adhuc non furem reputant, sed Pastorem,

In stuporem degenerat hæsitatio,

Timor in Gaudium ;

Legitur in vulneribus gloria bellatoris ;

Vestigia mortis fiunt novæ vitæ prælagia ;

Renatum magis, quam hilaratū quisq; se credit

Dum ex eo quod redderetur, amissum reputat
bonum

Præteriti æquitatem doloris

In Argumentum lætitiæ laxioris assumit.

Pacis suæ Prodigio Deo,

Pacem semel dedisse non sufficit.

Qui per primam excitata jam bella sedaverat

Excitanda compescere voluit per secundam.